

Calvin Maduro y Sidney Ponson por ta ganadornan grandi den un ekipo cu mas ofensivo

BALTIMORE- E dos lanzadornan Arubiano den e organizacion di Orioles di Baltimore, esta Sidney Ponson y Calvin Maduro, por ta ganadornan grandi, si nan ta hungando den ekiponan cu tin bon ofensiva y na e alturanan aki nan por ta ganadornan di mas cu 10 wega.

Orioles di Baltimore ta pasando den un proceso di reorganizacion y nan a perde hopi ofensivo y no ta produciendo caredanan suficiente pa por sostene nan pitchernan.

E ultimo dos actuacionnan di Calvin Maduro, ta resalta serca tur hende, y comentaristanan ta sigui elogia e tremendo labor di Maduro, kende sin embargo no a logra di gana den e dos weganan aki.

Sidney Ponson ta pasando den mesun situacion ya cu e ta mas consistente y mas efectivo pero su companeronan di ekipo, ta insisti pa haci algo pa pone perde su wega of keda sin decision.

E record di 5-6 di Sidney, no ta refleha e tremendo forma cu e ta aden e temporada aki, mientras cu Calvin Maduro den su promer dos oportunidadnan pa habri un wega, tampoco ta refleha e calidad di trabao cu el a desplega pa su ekipo.

E cantidad di inningnan di Calvin ta hopi menos compara cu e otro habridornan, pero ta keda un hecho cu tanto den su trabao di relevista como su dos

weganan cu el a habri, el a duna su manager bon trabao, mucho mas efectivo cu por ehempel un Mike Mussina, kende a pasa di Orioles pa Yankees.



Calvin tin un efectividad di careda limpi permiti na e momentonan aki di 3.29 mientras cu Mussina cu tin record di 11-9, tin un averahe di careda limpi permiti di 3.92, pues casi cuater careda limpi permiti pa nueve inning.

Josh Travis otro habridor di Orioles tin record di 6-6 cu un averahe di careda limpi permiti di 3.70, mientras cu e number uno di e staff di pitcheo, Jose Mercedes, tin record negativo di 5-12 cu averahe di careda

limpi permiti di 5.72, poues esun di mas haltu entre e habridornan.

Willis Roberts otro habridor, tin record di 7-8, c' un averahe di careda limpi permiti di 5.09 y enberdad tur e lanzadornan aki tin mucho mas inning cu Calvin, pero e lanzador Arubiano merece mas oportunidad pa demostra si por carga e peso den e rotacion di Orioles.

Sidney Ponson tin casi mesun storia, un tremendo temporada, mas consistencia y tin ora sumamente dominante, pero na final di su presentacionnan ta keda e duda si su ekipo por dune e sosten necesario pa bira un ganador den Liga Americana.



E interes cu tabatin den su persona dor di otro ekiponan, ta pa motibo di e capacidad y talento cu e tin y e posibilidad di converti su mes den un ganador grandi den e liga.

No solamente esey, pero tin ekiponan cu ta kere cu Sidney lo ta un otro pitcher cu nan alineacion y e lo ricibi mucho mas sosten y traha cu mas comodidad pa gana su partidonan.

Si mester haci un

comparacion di Sidney cu cualkier otro lanzador, Bon Dia Aruba Deporte ta haci esaki cu Roger Clemens di Yankees, kende tin mesun cualidadnan cu Sidney, tira fuerte, sumamente dominante tin bes, pero hopi vulnerabel tambe.

Un cambio pa Sidney, sea pa Oakland, Texas, Seattle, Yankees, Chicago White Sox, of Atlanta Braves, lo duna un otro lanzador pa mira y cosnan lo ta totalmente diferente.